

永和縣志卷之二

星野

古今分野原無定論陸子淵嘗言分野之說最難謂以天之一度當地之二千九百三十二里則覆載之形歆矣舊志序云永無完志似難為觀察者漢志魏地皆參之分野按永雖魏屬之末地勢匪遙星分參觜又似卓有明徵者矧星為陰陽散精塊北無垠仰測分次博稽紛更叢爾百里願言觀成作星野志

永和縣志

卷之二

星野

一

周禮保章氏實沈晉也

左傳鄭公孫僑對叔向曰遷實沈於大夏主參唐人是因以服事夏商及武王滅唐而封太叔焉故參為晉星由是觀之則實沈參神也

國語董因對晉文公曰實沈之虛晉人是居所以興也

皇帝世紀自畢十二度至東井十五度實沈之次今晉魏分野

漢志魏地皆觜參之分野

後漢郡國志註自畢十二度至東井十五度實沈  
之次於辰在申謂之涖灘於律為中呂斗建在巳  
今晉魏分野

晉天文志魏郡入昴一度河東入張一度

唐書天文志觜觿參伐實沈也初畢十度餘八百  
四十一秒四之一中參七度終東井十一度得  
漢之河東古晉魏地

星紀魏地畢觜參

寰宇志平陽觜參之次

永和縣志

卷之二

星野

二

圖書編平陽觜參分野

明列郡分野平陽古冀州觜參分野